



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

angelsächsische oder englische dem wälschen vermittelt sein (höchstens *chwegyr* durch das ags. *svëgër*), und im wälschen sind überdies *chweg* (süßs, lieblich) und *chwys* regelrechte wurzelwörter, während beide familien bei uns wurzellos sind.

LEO.

DER HEILIGE ALEXIUS VON KONRAD VON WÜRZBURG.

Konrads Alexius ist von seinem herausgeber so schmählich verwahrlost worden daß ein neuer abdruck keiner rechtfertigung bedarf; das nicht lange gedicht, von argem schmutze befreit, liest sich angenehmer als anmerkungen die des herausgebers verstüße gegen grammatik versbau gewohnheit des dichters und sinn bei seite räumen, und zu lernen ist nichts an der berichtigung von fehlern wie die folgenden groben grammatischen. wâ statt swâ 154. wer statt swer 611. 1286. 1292. waz statt swaz 753, statt swes 332. wan statt swenne 624. 1289. beginnet als participium 332. dunkte 418. twunnte 428. spuorte 542. sô statt des relativen pronomens 617. kies als imperativus 627. pin als femininum 710. 728. 760. 964. 1234. teten statt taten 835. sint als erste person des pluralis 989. offenbære als zweite person eines präteritums 1054. saht statt sæhe 1134. wurde statt wart 1291.

Zwei handschriften dieses gedichtes sind bekannt.

O nenne ich die durch Oberlins auszüge zum theil zugängliche Straßburger hs., A 100 der Johanniterbibliothek, nach Oberlins diatribe s. 11 eine pergamenths. in quart. sie ist verloren gegangen, s. Engelhardts ritter von Stauffenberg s. 26, wo ihr format als folio angegeben wird. ihr inhalt läßt sich aus den anführungen in Oberlins glossare ziemlich genau berechnen. 1. ein martyrologium, bl. 2 bis 99. — 2. carmen de xenodochio Hierosolymitano, bl. 101 bis 112. — 3. Konrads Alexius, bl. 113 bis 123. — 4. wie es scheint ein gedicht, aus dem Oberlin sp. 317 und 1011 eine stelle anführt, bl. 124. — 5. Hartmanns Gregorius, bl. 125 bis 158. — 6. sermones sacri, bl. 160 bis 207. — 7. Ekehartes bredien, bl. 209 bis 231. — 8. vitae

patrum, bl. 235 bis 303. — aus dem *Alexius* gibt Oberlins *diatribe de Conrado Herbipolita* (Straßburg 1782) s. 11 drei stellen, z. 376—383, 1078—1081, 1360—1384, und s. 33 ff. den anfang des gedichtes bis 176. aus Oberlins glossare zählt herr Maßmann s. 6 f. sechsundzwanzig wörter auf unter denen sich zeilen des *Alexius* finden; er setzt hinzu, es gebe wohl noch einige andere. das wahre ist daß er über die hälfte der stellen übersehen hat, und darunter solche in denen die Straßburger hs. wesentliche hilfe leistet.

I, die elf letzten blätter der papierhs. ix D 2 des Insbrucker museums, geschrieben durch den bruder Johannes Ritter, ordinis minor. terminarius in wintertur et conventuat. schaffhus. anno domini m^occcc^oxxv^o feria 4^a ante Oculi (so hat Mone gelesen, bei herrn Maßmann s. 8 steht añ 9tuli icl). erwähnt hat dieser hs. zuerst Mone in seinem anzeiger 8 (1839), 217. ich habe sie nur in herrn Maßmanns ausgabe benutzen können, unterscheide also durch I was von ihm ausdrücklich als ihre lesart angegeben wird von dem was sein text bietet; dies habe ich mit i bezeichnet.

Die Insbrucker hs. ist eine späte und sehr schlechte, obwohl es stellen gibt in denen sie besseres enthält als der text des herausgebers; also verstand sich von selbst daß von der älteren und weniger schlechten Straßburger hs. zu ihren gunsten ohne noth nicht abgewichen werden durfte. meine eigenen vermutungen werden sich hoffentlich bei kennern des dichters meistens selbst rechtfertigen. einige stellen des *Alexius* habe ich in den anmerkungen zum Engelhard behandelt. mehreres bleibt unsicher. HAUPT.

Got, schepfære über alliu dinc,
sît der wîsheit ursprinc
von dir vliuzet unde gât,
sô lâ mir dîner helfe rât
zuo vliezen und die sinne sleht,
daz ich geprîse dînen kneht
und ich des leben hie gesage

5

der alsô lûter sîne tage
 in dîme dienste wârt gesehen.
 sîn lop durnehteclîche enbrehen 10
 muoz von wâren schulden.
 er hât nâch dînen hulden
 geworben alsô vaste
 daz in der êren glaste
 sîn name sol erschinen. 15
 dâ von sô lâ mir dînen
 wîsen rât ze helfe komen,
 daz sîn leben ûz genomen,
 daz in latîne stât geschriben,
 werde in tîusch von mir getriben 20
 alsô bescheidenlîche nû
 daz dâ von geprîset dû
 werden mûgest unde ouch er.
 sîn hôher name was dâ her
 sô vremde genuogen liuten. 25
 nû wil ich iu bediuten
 unde entsliezen die getât
 die der vil sælden rîche hât
 begangen ûf der erden,
 durch daz gebezzert werden 30
 mûg eteswer von sîner tugent.
 wan swer daz leben sîner jugent
 durchnehteclîche merket,
 der mac dâ von gesterket
 an guoter sache werden hie. 35
 der sælden rîchen leben ie
 macht ander liute sældenhaft.
 ez gap in edele bîschaft

8. alsô i: alz O. 10. Din O (auch gl. 312). Sin lib dur lûch-
 teclîchen emphelchen I. 12. hât I. 13. also I, alz O.
 14. Das I, swas O. 18. daz Oberlîn: so was O, Das ich I.
 20 fehlt I. werde zvo tîusz O (auch gl. 1681). 21. Also be-
 schaidenlich nu I, alz bescheidenlichen nv O. 25. Ze frömde guug
 den l. I. 28. sældrîche I. 29. erde O. 30. werde O.
 35 fehlt I. saohen O. 36. Der selden rîche lebete ie O, Des
 sældenrîchen lebē je: Gebrast an dē Jūglin nie I. 37. vñ mahte O.
 38. Er O (auch gl. 159) I.

und ein sô nüttez bilde
daz in diu sünde wilde 40
wart von gotes lère.
dâ von hab ich nû sêre
minen muot geleit dar an
daz ich gesage von eime man
der hæte gar ein heilic leben, 45
durch daz sîn tugent müeze geben
den liuten hôhe sælekeit
den hie sîn leben wirt geseit
und daz lobelîche dinc
wie der kiusche jûngelinc 50
beleip der houbetsûnden vrî.
swer nû sô reines muotes sî
daz er mit willen høre sagen
daz wunder sînes lebetagen,
der sol mit vlîze bieten her 55
sîn ôren und des herzen ger.
Ze Rôme ein edel herre was
der in sîn reinez herze las
milte und ganze erbermekeit.
grôz wunder was ûf in geleit 60
rîchtuomes unde wirde.
sîn muot und al sîn girde
vor schanden lûter wâren.
er diente in sînen jâren
mit vlîze dem vil werden gote 65
und wolte gerne sîme gebote
wesen iemer undertân.
er was genant Eufêmiân
und wîelt getriuwes muotes.
vil êren unde guotes 70

42. Davon so h. O. 44. gesage O: ûch sage I. einem O i.
45. sâlig I. 46. Dem da s. t. hîrt g. I. 48. Den den dz l. I.
51. B. den hîbt sinden fri I. • 54. Das er sine lebtagen I.
57. edler I. 59. erbarm h'cykait I. 60. Ain w. I. 62. S. m.
v. sin begirde I. 63. Än sch. I. 64. Er I und Oberlin: Im O.
66. sinen I. 68. gehaisen eufamion (: undertôn) I. 69. vergl.
O gl. 2027.

het er in sîner hôhen pflege.
 weiz got, im dienten alle wege
 driu tûsent frouwen unde ouch man
 die pfelle und siden truogen an
 bî den selben jâren 75
 und umbegürtet wâren
 mit rîchen borten guldîn.
 er muoste liep dem keiser sîn,
 wan er in sînem palas
 der oberste und der beste was 80
 des er dâ bî der zîte wîelt.
 sîn hûs er milteclîche hielt
 nâch der wâren schrîfte sage.
 drî tische wurden alle tage
 bereit den armen dinne. 85
 die wâren gotes minne
 truoc sîn tugentrîcher lîp.
 ouch hæte er ein vil sælic wîp,
 diu was Agleis geheizen
 und kunde in wol gereizen 90
 ûf milten unde ûf hôhen muot.
 si was lîntsælic unde guot,
 bescheiden unde verwîzzen.
 ir tage si verslîzzen
 hæte in ganzer reînekeit, 95
 wande ir herze was geleit
 an got vil harte sêre.
 in beiden guot und êre
 was gegeben unde beschert.
 iedoch hæte in freude erwert 100
 daz si wâren âne kint,

71 — 73 *fehlen O.* 74. Die purpur u. siden an I? Pfellor von side
 truoc er an derselbe getruve man O. 75. Trugend bi den J. I.
 77. rîchen O, siden I. 78. sîn *fehlt I.* 80. beste I: libeste O.
 81. Das I. 83. geschrîft I. 84. Drie O, Die I. 85. B. d. a.
 kinden I. 86. ware O. Die^{da} warêt gottes miñer I.
 87. tuot O. tugêthafft I. 89. agles I. 91. vf hohen O,
 rainê I. 94. si O: hett si I. 95. Hetten in g. r. O, Gar in
 rainer stâtikeit I. 96. Wō I, vñ O. 98. Ir I. 99. gebū I.
 100. in O: in daz i.

diu richer liute wunne sint
 unde ir spil ûf erden hie.
 daz reine wîp enhæte nie
 sun noch tohterlîn getragen. 105
 daz hôrte man si beide klagen
 dicke sunder allen spot.
 si gâben durch den werden got
 almuosen rîlich alle stunt
 dar umbe daz in würde kunt 110
 von sîme trôste ein kindelîn
 daz noch ein erbe solte sîn
 der hôhen gûlte manicvalt
 der wunder was in ir gewalt.
 Nû wolte si des got gewern 115
 des ir gemüete kunde gern
 gar inneclichen zaller zît.
 er liez ir edel herze sît
 ervrôuwet werden unde ir leben.
 in wart ein schœner sun gegeben 120
 von gotes helfe sâ zehant.
 der wart Âlexîus genant.
 den richen und den hôhen vromen
 het er vil schiere an sich genomen
 daz er begunde minnen 125
 mit herzen und mit sinnen
 den wâren got fûr alliu dinc.
 er wart ein sælic jûngelinc
 an lîbe und an gebære.
 der edele und der klâre 130
 zuo der schuole wart geleit
 und hæte in sîner kintheit
 empfangen schiere die vernunft

104. noch nie *I.* 107. dicke *i*: Dvi zwei *O.* alle *I.* ane *O.*
 108. werden *I.* richen *O.* 109. Billich a. alle st. *I.* 110. der
 vmbe laze in werden k. *O.* 114. D. wunsch wz in ir gezalt *I.*
 115. got des *I.* 116. Das ir mut *I.* 117. Gar inneclicher *O.*
 Als mîneklich *I.* 121. gottes *O.* siner *I.* 123. 124. Vnd hette
 an sich genomē D. r. v. d. h. fromen *I.* 129. gebârde *I.*
 130. vñ d. werde *I.* 131. gelert *I.* 133. schiere *fehlt I.*
 vernunft *i.*

daz er von götelicher kunst
 wart vil unmâzen wise. 135
 mit lobelichem prise
 gezieret stuont sîn reiniu jugent.
 er wart ein spiegel rîcher tugent
 und aller êren bluome.
 wer möhte alhie mit ruome 140
 durchgründen ouch sîn hôhez leben?
 im hæte got den wunsch gegeben
 ûz erwelter dinge.
 dem werden jüngelinge
 wart alliu schande wilde. 145
 er hæte ein klârez bilde
 unde ein lûter angesiht.
 an im brast aller sælden niht
 die man ûf erden haben sol.
 sîn herze sam ein heizer kol 150
 in der gotes minne bran.
 daz schein im in der jugent an
 vil ûzer mâze vrüeje.
 man seit, swâ tugent blüeje,
 daz dâ vil rîcher sælden frucht 155
 beginne wahsen mit genuht.
 diz wart an im bewæret wol.
 sîn herze was der tugende vol:
 dâ von sîn lîp gar sælic wart.
 ein maget rîch von hôher art, 160
 diu von keisers künne was,
 wart im ze wîbe, als ich ez las,
 gegeben in der kintheit.
 doch wizzent daz er si vermeit
 und er si kiusche lie bestân. 165
 si was nâch wunsche wol getân

134. kunft *i.* 138. aller *I.* 140. mit *fehlt I.* 145. Vor aller
 schanden w. *I.* 148. brast *O* (*auch gl.* 185): brist *I.* 149. erden
O (*auch gl.* 185): *fehlt I.* 150. 151. *vergl. gl.* 808. 152. in
O: an *I.* 153. V. vzzer maze *O* (*auch gl.* 1913): V. vff der mäs-
 sen *I.* 157. Dis *I.*, als *O.* 158. ward *I.* 161. keisers *O*
 (*auch gl.* 846): des keisers *I.* 166. nach *O*, vō *I.*

vnd ûzer mâze schœne.
 mit lobe ich immer krœne
 ir werdez leben unde ir lîp.
 si wart im als ein êlich wîp 170
 gemahelt in dem tempel sus
 dâ sante Bonifâcius,
 der marterære genædec, ist.
 vil werder priester, wizze Krist,
 ze samene gâben si des tages. 175
 des wart an vröiden vil bejages
 enpfangen in der veste wît,
 wan dâ geschach ein hôchgezît
 diu rîlich unde schœne was.
 diu brût ûf einem palas 180
 des nahtes dâ zebant beleip,
 dô man den tac vil gar vertreip
 mit wunne und mit geræte.
 Âlexîus der hæte
 bevangên hôher tugende schîn. 185
 Eufêmiân, der vater sin,
 hiez in minneclîche gân
 zuo der meide wol getân
 ûf die kemenâten hin.
 lieplîche sprach er wider in 190
 'sun, vil herzelieber trût,
 ganc ûf ze dîner schœnen brût
 in daz gadem wünneclîch.'
 mit disen Worten huop er sich
 ûf den palas dâ zehant, 195
 dar in er wol gezieret vant
 die werden keiserlichen fruht.
 an ir lac schœne bî der zuht
 und ûz erweltiu stæte.
 si was mit rîcher wæte 200

167. uz der mæze *O*, u. d. müssen *I*. 168. ich *O*: ich si *I*. 171. t. hus *I*.
 174. werde *O*. 176. d. w. an fr. v. bejages *O*: D. w. da fr. v.
 bejaget *I*. bejaget *O* gl. 112 scheint druckfehler. 178. hôchzît *i*.
 179. rîche *i*. 181. des nahtes dâ beleip *i*. 192. gang ûf, schou
 dîn brût *i*. 200. si *O* 474: unt *i*.

bekleit nâch wunsche garwe.
 ir minneclîchiu varwe
 gap durchliuhteclichen schîn.
 si was gar edel und gar vîn
 an lîbe und an gebære. 205
 diu sælige und diu klære
 geblüemet wol mit èren saz.
 Alexîus dô niht vergaz
 der tugende der sîn herze wîelt.
 reine und kiusche er sich behielt 210
 vor allen houbetsünden,
 wan in begunde enzündên
 diu wære gotes minne.
 diu lac in sînem sinne
 sô brinnende und sô glüejende. 215
 sam ein rôse blüejende
 vor im saz diu guote.
 dô wart im ze muote
 daz er sich von ir lîbe schiet
 und ir daz aller beste riet 220
 des er gevlîzen kunde sich.
 mit süezen worten minneclîch
 begunde er si daz lèren
 und ûf den willen kêren
 daz si bestüende kiusche. 225
 er warf ir daz getiusche
 der trûgelichen werlte für
 und seite ir daz man gar verlür
 ze jüngeste an ir lône.
 dar nâch dô gap er schône 230
 ein vingerlîn der süezen dar
 und ein gezierde lichtgevar
 dà si nâch dem lantsite
 bedecken solte ir houbet mite

201. garwe *O*: wâte *I* 203. durchliuhtigen *i*. 205. gebärde *I*.
 206. u. d. werde *I*. 208. dô niht] der mit *I*. 216. Sam so *I*.
 226. getvesche *O* 542, zû tuⁿsch *I*. 227. trvgenlicher *O*, trurigen *I*.
 230. ir schône *I*. 232. licht gevar *O* 933, lichtgebar *I*.
 233. landsitte *O*, sitte *I*. 234. B. — mitte *O*, ir houbet dahte dà

KONRADS ALEXIUS.

543

daz adelliche was gestalt. 235

‘gemahel’ sprach er, ‘daz behalt
die wile ez gotes wille si.

der muoz uns immer wonen bi
und kiusche bi uns blißen gar.’

hie mite schiet er sünden bar 240
von ir unde meines blöz.

durnehtic michel unde gröz
wart sines herzen riuwe.

der süeze und der getriuwe 245
ein teil dô sines guotes nam.

mit dem sô kërte er unde kam
tougennliche sine wege.

gar stæte wolte er in der pflege
beliben und dem dienste gotes
und immer gerne sins gebotes 250
volgen ûf der erde.

der edele und der werde
saz ûf daz mer in einen kiel
und fuor als ez im wol geviel
und als in dô sin wille bat 255

vil schiere zeiner schœnen stat,
diu nennet man Laudâtîa.

doch was er niht ze lange dâ,
wan er zehant von dannen schiet.
sin edel herze im dô geriet 260

daz er kërte zeiner stift,
diu ist geheizen in der schrift
bescheidenliche Êdissâ.

diu selbe stat in Sîrîa
lit, daz sagent uns diu buoch. 265

dâ was gedrûcket in ein tuoch
daz bilde Jêsû Kristes,

mite *i.* 235. *O* 16. 238. immer fehlt *I.* 240. sunder bar *i.*
241. un meines bloß *O* 168 (*vergl.* 1847), vnd main was los *I.*
242. *O* 263. 247. tugentliche *i.* sinen weg *I.* 248. Garwe
(Gar *I*) stæter voller pflege (pfleg *I*) *i.* 249. und] in *i.*
250 sin *I.* 256. schœner *i.* 262. geschrift *i.* 264. sirean *I.*
267. Jesus *i.* x̄pus *I.*

gar itel karges listes
 und âne menschen werc gemaht.
 ouch stuont ein münster wol geslaht 270
 gezieret dà vil sêre.
 in sant Marien êre
 gewihet ez vil schône was.
 in dirre veste, als ich ez las,
 Âlexîus sich nider lie. 275
 mit reinem willen er dà gie
 ze kirchen aller tegelich.
 er ougte mit gebete sich
 den âbent und den morgen.
 in riuweclichen sorgen 280
 wart daz herze sîn begraben.
 daz edele und daz rîche haben
 daz er von guote brâhte dar,
 daz gap enwec der guote gar
 den armen lîuten unde enpfie 285
 mit in daz almuosen hie
 vil gemeinlich alle stunt.
 im wart vil manic breste kunt
 an spîse und an gewande.
 nû daz er von dem lande 290
 was vil tougenliche komen
 und daz ze Rôme wart vernomen
 daz er sich hæte enwec gehaben,
 dô wurden sîne friunde begraben
 in jâmer unde in maneger nôt. 295
 si wâren alle an fröuden tôt
 durch sîne leiden hinevart.
 der vater sîn von hôher art
 hiez in dô suochen alzehant.
 vil boten wart nâch im gesant. 300
 der kom ein teil zÊdisse,

274. ez fehlt i. 275. lies gie I? 276. dà fehlt I.
 278. zöugte i. 280. Ir rûweclichem orden I. 282. haben i:
 ding I. 284. enwec der g. gar O 325: er willicliche dar I.
 293. enwege hete i. 295. mange(r) i. 301. ze disse (*scheint es*)
 O 245, ze edissa I.

und sâhen in gewisse
 dâ sitzen bî den armen.
 si liezen sich erbarmen
 den kumber sîn vil tiure. 305
 dô gâbens im ze stiure
 ir almuosen alzehant,
 wande er was in unbekant
 an lîbe und an gebærde.
 in hete sîn beswærde 310
 entschepfet unde der breste sîn,
 daz in niht mohte werden schîn
 daz bilde sîn ze rehte.
 doch wâren im die knehte
 und die boten alle kunt, 315
 wan er bekande bî der stunt
 ir namen unde ir leben wol.
 für wâr ich iu daz sagen sol
 daz er ze himelrîche sach
 und gar inneclîche sprach 320
 'got herre in dîner magenkraft
 almehtic unde wunderhaft,
 genâde und lop sî dir geseit
 daz in der hôhen sælekeit
 betaget hiute sî mîn leben 325
 daz mîne knehte mir gegeben
 hânt ir almuosen hie.
 die mir dâ heime wâren ie
 mit dienste willeclîchen bî,
 die sint nû rîcher danne ich sî. 330
 des wil ich, herre, danken dir.
 swes dû begunnen hâst ze mir,
 daz lâ mit sælden und mit fromen
 an mir ouch ûf ein ende komen.'
 Die rede treip Âlexîus. 335
 die boten wider heim alsus
 kêrten an den stunden.

306. gabentz ja I. 307. al fehlt i. 311. der gebreste i.
 324. 325. O 141. 331. Das I. 332. waz du beginnet h. i.
 337. der i.

daz si niht hæten funden
 den ûz erwelten an der zît,
 daz seiten si ze Rôme sît 340
 den friunden und dem vater sîn.
 des was ir herzelicher pîn
 von schulden bitter unde tief.
 sîn muoter in ein gadem lief
 in dem si nahtes allez lac. 345
 si spreite nider einen sac,
 dar ûf si klägelichen saz.
 ir ougen wurden schiere naz
 von sorgen und von leide.
 ir blanken hende beide 350
 begunde si dô winden.
 si zarte von den linden
 wangen daz vil rôte vel.
 ein stimme gar unmâzen hel
 mit jâmer ûz ir munde fuor. 355
 bi gote si vil tiure swuor
 daz si nimmer kæme
 von danne ê si vernæme
 diu rehten wâren mære
 war hin komen wære 360
 Âlexîus, ir liebez kint.
 diu sorge wart ân underbint
 versigelt in ir muote
 dar umbe daz der guote
 gescheiden was von ir alsô. 365
 daz was ir grœster jâmer dô.
 Diu reine, sîn gemahel, zehant
 gienc dâ si ir sweher vant

342. daz i. hertzeliche I. 344. 345. O 28. 351. vinden I.
 354. vss mässe I. 356. schûr I. 359. ware I. 361. A. jr
 vil l. k. I. 362. ane O 1854, ir i. 363. in O: an i.
 365. alsus i. *ich gebe in diesen zeilen nur willkürliche nothbehelfe
 statt der entstellten überlieferung, die nicht einmal deutlich berich-
 tet wird, und statt der unmöglichkeiten des herausgebers.* 366. Daz
 wz jr grösser jam' sus I. 367. diu (Do die I) reine sîn gemahel
 dô i. 368. Ir klag spr. also I? daz si jâmrec sprach alsô i.

unde sprach im zuo mit klage
 'nû wizzet, herre, daz ich trage 370
 den stæten willen immer
 daz ich gescheide nimmer
 von dem erwelten hûse din
 ê daz ich von dem friunde mîn
 die rehten wârheit hie vernime. 375
 ich arme trûren sol nâch ime
 sam sich diu tûrteltûbe quelt,
 diu kein ander liep erwelt
 swenne ir trût gevangen wirt.
 si mîdet immer unde verbirt 380
 aller grüener böume zwî
 und wont dem durren aste bî
 mit jâmer und mit sender klage.
 reht alsô wil ich mîne tage
 die frische wunne vliehen 385
 und zuo den sorgen ziehen
 die mîn gemüete derrent
 und allen trôst versperrent
 von mînem armen herzen.
 ich muoz vil strengen smerzen 390
 lîden unz ich høre jehen
 waz mîme friedel sî geschehen,
 dem süezen und dem reinen.
 ich wil in immer weinen
 die wîle unz ich daz leben habe, 395
 ist er des lîbes komen abe.'
 Sus wart Âlexîus geklaget
 von der keiserlichen maget
 diu sîn gemahel worden was.
 diu muoter sîn ze herzen las 400
 und ouch sîn vater swæren sîn.
 ir hôher muot was gar dâ hin
 unde ir fröuderîcher hort.

369. ir sweher zuo mit klage *I?* 374. frinde *I.* 376—383. *O*
diatr. 11. 376. ich arme *O*: wande ich *i.* 380. mident *I.*
 390—393. *O* 1904. 392. friedel *i*: vriesel *O.* beschehen *Oi.*
 395. unz *fehlt i.* 400. ze] von *i.* 402. gar *fehlt i.*

ir lieber sun der leit ouch dort
 in gotes dienste manege nôt. 405
 almuosen unde betelbrôt
 was sîn lîpnarunge.
 sîn ûz erweltiu zunge
 zaller zît gebetes pflac.
 beidiu naht und ouch den tac 410
 wênic tranc sîn kiuscher munt.
 er was biz ûf der sêle grunt
 mit gotes geiste erfüllet gar.
 bleich unde jâmerliche gevar
 begunde in sorge machen. 415
 eht vasten unde wachen
 sach man den reinen gotes kneht
 in dûhte billich unde reht
 daz er sich quelte harte.
 der sûeze sich bewarte 420
 vor allen sünden tegelich.
 sîn sælic herze wolde sich
 der himelischen gnâde ergeben.
 man hôrte in siufzen unde streben
 nâch dem paradise frôn. 425
 ûf den vil hôhen gotes lôn
 stuont sô vaste sîn gerinc
 daz sich der reine jûngelinc
 twancte desten harter.
 sus lebete er in der marter 430
 vollecliche zehen jâr
 biz got den liuten offenbâr
 wolde machen alle tugent
 die sîn lîp von kindes jugent
 hæte ân underlâz getragen. 435
 ein bilde lie sich bî den tagen
 in dem münster schouwen,

407. w. sins libs n. I. 409. pflag gebettes I. 410. Baide tages
 vñ nachtes I. 412. der selbe stûd I. 421. Allen (ohne vor) I.
 423. Der himelschlich gnad vñ iehe I. 424. sünftzen vñ feinen
 426. gottes lon O 531, löne i. 427. gerinc O: gerûg i.
 429. Zwungto dester harte I.

gewürket nâch der frouwen
 diu got, den werden Krist, gebar.
 ez was nâch wunsche liehtvar 440
 von golde und von gesteine.
 daz selbe bilde reine
 begunde an einem morgen fruô
 bescheidenliche reden zuo
 dem gloggenære von der stift. 445
 als uns saget diu geschrift,
 sô sprach ez alsus wider in.
 'ganc für daz münster balde hin
 und heiz den menschen gâu her in
 der vor der angesichte dîn 450
 sitztet dâ an sîme gebete.
 sprich daz er in die kirchen trete;
 in welle got erhœren
 dort in den himelkœren
 des rehten und des guoten ouch. 455
 sîn bete sam ein wîrouch
 ûf dranc für gotes ougen.
 diu rede ist âne lougen
 daz er benamen heilec ist.
 in wil der ûz erwelte Krist 460
 erhœren ûf der erden.
 sîn reiniu tugent werden
 den liuten offenbære sol.
 er hât verdienet harte wol
 daz an in werde alhie geleit 465
 ère und ganziu werdekeit.'
 Der dinge nam besunder
 den gloggenære wunder:
 sîn herze und sîn muot erkar
 daz er daz bilde lobesam 470
 hôrte sprechen wider in.

445. von] zu I. 451. dâ sitzt an sîneme g. i. 454. der himel
 k. i. 455. ouch *fehlt* I. 457. Vff tringet für die ögñ gotz I.
nach 458. Das solt du mir gelöben I. 463. offenbarē I. 465. all-
 gelait I. 467. d. d. n. michel wunder I. 468. d. gl. besunder I.
 469. In herzen vnd ja wüder kam I.

für daz münster kom er hin
 gegangen und dar ûf getreten.
 er suochte, als er wart gebeten,
 Âlexîum den klâren, 475
 des er begunde vâren
 mit willeclichen ougen.
 dô was er âne lougen
 sô fremde sîner angesiht
 daz er sin dannoch rehte niht 480
 erkande sicherlichen hie.
 in daz münster er dô gie:
 für daz bilde trat er wider:
 ûf sîniu knie er viel dâ nider:
 inneclichen er dô bat 485
 got den süezen an der stat
 daz er im lieze werden schîn
 wâ dirre mensche möhte sîn
 der alsô heilic wære.
 daz bilde wünnebære 490
 sprach dô aber alsô zim.
 'trit ûz der kirchen unde nim
 sîn war herwider unde für.
 der aller næhest bî der tür
 sitzet dâ, sich, daz ist er. 495
 ganc unde heiz in komen her.'
 Der glockenære gienc zehant
 ûz dem münster unde vant
 Âlexîum dâ rehte.
 dem reinen gotes knehte 500
 viel er ze füezen an der stat.
 gar inneclichen er in bat
 dar in den gotes tempel gân.
 ouch wart den liuten kunt getân
 von dem messenære sît 505
 daz wunder daz im an der zît
 von dem bilde für was komen.

478. er *fehlt I.* 491. spr. aber dô zuo' im *i.* 493. wider *i.*
 497. ûz gienc d. gl. zehant *i.* 500. Den *I.* 503. des g. *I.*

er seite waz er dô vernomen
 hæte von Alexiô.
 des buten im die liute dô 510
 vil hôhen prîs und êre.
 sîn melde wuohs vil sêre
 beidiu stille und über lût;
 daz der vil reine gotes trût
 niht langer mohte liden. 515
 er wolde gerne mîden
 êre und werltlichen ruom.
 daz münster und den gotes tuom
 liez er unde kêrte dan.
 den muot enpfienec er unde gewan 520
 daz er wolt in Cilicjen lant
 kêren zeiner stat zehant
 diu was geheizen Tarsiâ.
 bî sante Paules münster dâ
 wolt er beliben immer mê, 525
 durch daz er würde niht als ê
 vermeldet noch erkennet.
 *
 in der gotes minne wiel.
 nû daz er kom in einen kiel 530
 der ûf daz mer geschiffet was,
 dô kom ein wint, als ich ez las,
 der grœste der ie wart bekant,
 und warf den selben kiel zehant
 ze Rôme in die vil guoten habe. 535
 des kom sîn herze frôuden abe,
 wan er dar umbe trûric wart
 daz gerâten was sîn vart
 vil anders danne er wolte
 und daz er niht ensolte 540
 komen hin ze Tarsiâ.
 nû der vil guote spürte dâ

508. dô] hett *I.* 509. hæte v. *A. i.* 511. v. hoher *I.* 512. Sin
 wil der wusch v. *s. I.* 518. und den *O* 563: unde *i.* 521. Ce-
 cilien *I.* 523. carsia *I.* 527. noch *O* 1758: und *i.* 528 fehlt *I.*
 529. Da in *I.* 531. gestiftet *i.*

unde nam des rehte war
 daz er gein Rôme füere dar,
 dô dâhte er wider sich zehant 545
 'sît mich hât alsus gesant
 her wider heim der winde sûs,
 sô kêre ich in mîns vater hûs
 billicher nû dan anderswar,
 wan ich ein swæriu bürde gar 550
 deheinem manne ûf erden
 wil hinnen fürder werden.
 bî im und dem gesinde sîn
 daz leben und die tage mîn
 sol ich wesen hie vil gar. 555
 nieman der dinge wirt gewar
 daz alhie mîne friunde sint
 und ich Eufêmiânes kint,
 des hûchgebornen mannes, bin.
 dar um wil ich nû suochen in 560
 mit willecliches herzen gir
 und wil in biten daz er mir
 sîn brôt unz an mîn ende gebe.
 die wîle daz ich nû gelebe,
 sô bin ich unvermæret hie. 565
 mit disen worten er dô gie
 von dem schiffe zuo der stat.
 dar in kêrte er unde trat
 als ein vil armer bilgerîn.
 Eufêmiân, der vater sîn, 570
 begegente im ûf dirre vart.
 ein tiurez kleit von hôher art
 het er des mâles an genomen
 und was von deme keiser komen
 ab sîme wünneclichen sal. 575

543. rechten *i.* 544. was gefarn *I.* 546. sit *O* 1604, Sit daz *I.*
 547. winde *I.* wilde *O.* 548. ich *O:* fehlt *I.* 551. Dekainen *I.*
 552. hin an *i.* 554. die fehlt *I.* 557. daz alle mîne friunt hie
 sint *i.* 558. eufamies *I.* 559. hoch geborn *I.* 561. willekli-
 chen *I.* 564. lebe *i.* 567. stifte *I.* 570. Eufamion *I.*
 571. der vart *i.*

im gienc von liuten âne zal
 ein michel massenîe nâch.
 Âlexiô wart zuo zim gâch
 dô in sîn ouge het gesehen.
 als uns diu wârheit hât verjehen, 580
 sô sprach er wider in alsô
 vil harte erbermeclichen dô.

‘Vil ûz erwelter gotes kneht,
 tuo dîner hôhen tugende reht
 an mir genædeclîche schîn 585
 und hilf mir armem bilgerîn
 daz ich bî dir belîbe
 und mîniu jâr vertribe
 in dînem hûse reine.
 lâ mir die brosemen kleine 590
 die von dînem tische komen
 ze mîner nôtdürfte fromen
 und mir si ze spîse geben,
 daz gesegent si din leben
 von gote und er geruoche sich 595
 erbarmen aller tegelich
 über den durch sîne tugent
 der von dir fuor in sîner jugent
 und in dem ellende sîn
 muoste als ein bilgerîn.’ 600

Eufēmîân der klâre
 von disen worten zwâre
 wart des sunes sîn ermant
 sô vaste daz im alzehant
 sîn ougen über liefen 605
 und er vil manegen tiefen
 siufzen ûz dem herzen liez.
 Âlexiûm er komen hiez
 zuo im unde sprach alsô
 ze sînem ingesinde dô. 610

577. mässe *I.* 581. dô *i.* 582. erbürmdhertzeklichen *I.* 584. dinē *I.*
 588. unz ich min *j. I.* 595. geruochte *i.* 596. alle *I.*
 599. Vnd dē *e. s. I.* 601. Eufamion *I.* 603. W. von sime sune
 erm. *i.*

'Swer disen menschen alle wege
 beliben lât in sîner pflege
 und im gestât mit dienste bî,
 den lâze ich hiute und immer frî.
 dar zuo wil ich in teilhaft 615
 machen mîner erbeschafft
 und al des guotes daz ich hân.'
 sus hiez er einen zuo zim gân.
 er sprach 'dû nim ze rehte sîn
 * 620
 mit guoter handelunge war.
 ein bette mache im eteswar
 in mînem hûs daz schône stê,
 swenne ich ûf und nider gê
 für in, daz ich in schouwen mûge. 625
 kius einen winkel der im tûge
 ze ruowe, dâ er inne lige,
 daz im kein trûren an gesige
 und im ieman niht leides tuo.
 daz soltû spâte unde fruo 630
 behalden unde besorgen.
 den âbent und den morgen
 pflic sîn vil harte schône.
 des wil ich dir mit lône
 danken al die wîle ich lebe. 635
 sîn kunft ist mir ein hôbiu gebe,
 wande er mit den worten sîn
 mich hât ermant des kindes mîn
 daz ich in zehen jâren hie
 gesach mit mînen ougen nie.' 640
 Mit disen worten unde alsus
 gefüeret wart Âlexîus
 in sînes vater hûs hindan.
 der heilige und der guote man
 sich dar inne nider liez. 645

611. allwegen I. 612. pflegen I. 617. daz] sô i. kan I. 620. fehlt I.
 622. mach dû i. 623. daz] da I. 624. wan i. 625 ff. mûg, kies einen
 winkel, der im genüege ze ruowe daz er dar inne mit gemache l. i.
 627. Dar jnnel. I. 629. leide I. 639. jare hie I. 643. huse dan I. 645. dar jñ

in einem winkel man im hiez
 ein bette schöne machen.
 aldâ begunde er wachen
 in gotes dienste manege naht.
 sîn heilic lîp ranc unde vaht 650
 mit marterlichen dingen ie.
 ze metten und ze messe gie
 der sælige aller tegelich.
 sîn tugentrîchez herze sich
 dar ûf mit hôhem vlize wac 655
 daz er neheine zît verlac
 die man sol singen oder lesen.
 er wolde an sîme gebete wesen
 alliu mâl und alle frist.
 der edele und der werde Krist 660
 was im in die sinne brâht
 mit alsô reiner andâht
 daz er sîn niht enkunde
 vergezzen mit dem munde
 noch in des herzen muote. 665
 der biderbe und der guote
 mit grôzer kestunge twanc
 den lîp, wan er az unde tranc
 vil kleine und vil kleine.
 niht anders wan gebeine 670
 schein er unde hût dar obe.
 sîn vater hiez sîn wol ze lobe
 von sînem hôhen tische pflegen.
 swie abe der werde gotes degen
 wart alsus gefuoret hie, 675
 doch wizzet er enwolde nie
 dar umbe gezzen destē mēr
 daz man im edele spîse hēr

er s. n. l. I. 648. Alle da begûnen erwachen I. 651. mit na-
 tiurlichen i. ie *fehlt* I. 653. alle I. 654. sich O 1749:
fehlt I. ' 656. enkeine O, enkain I. 657. die O: daz i.
 660. werdest I. 662. rainē I. 670. den I. 671. Wō jm inder
 hut tube I. 672. sîn] im i. 674. hin ab den w. g. d. i.
 675. Alsus gefure hie I. 676. er wolt wie I. 677. gesessen I.

von sînes vater tische bôt.
 sîn ougen wurden dicke rôt 680
 durch manegen trahen bitterlich.
 er sente nâch dem lône sich
 der ie den rehten was bereit.
 vil maneger hande smâcheit
 im sînes vater knehte buten. 685
 die köche die daz fleisch dâ suten
 swaz die von wazzer und von labe
 gespuolten maneger schüzzel abe,
 daz wart ûf in gegozzen.
 diz leit er unverdrozzen 690
 gedulteclichen alle zît.
 diu kint begiengen wider strît
 an im dô grôzen ungelimpf.
 er was ir gamel unde ir schimpf
 alle zît und allen tac. 695
 er wart vil dicke ûf sînen nac
 geslagen sunder lougen.
 man spei im under ougen
 und tete im allez ungemach.
 man schalt den süezen unde sprach 700
 im dicke smæheliche zuo.
 diz leit er spâte unde fruo.
 mit willelichem muote.
 sîn vater der vil guote
 erkande niht der smâcheit 705
 die der gotes kempfe leit.
 er wânde daz man pflæge sîn
 vil schône und er deheinen pîn
 von sînem ingesinde lite.
 der heilige und der wol gesite 710
 in sînes vater hûs für wâr
 fuorte stille und offenbâr
 vil strengez leben bitter

683. Die *I.* 686. koche *i*: hvoben *O* 1605. da *O*, fehlt *i*.
 687. und *O* 858: alder *I.* 688. manger *O*, mæge *I.* 693. im *i*:
 in *O* 468. 695. zit *O*, frist *i*. alle tage *O*, alle tac *I*.
 698. spigt *I.* 706. *O* 562. 708. deheine *i*.

sô daz den gotes ritter
 nieman dar inne erkande. 715
 sîn herze maneger hande
 jæmerliche nôt enpfienç,
 daz sîn gemahel für in gienc
 unde er zir nie wort gesprach.
 nû sprechent ob daz ungemach 720
 niht enwære ein strengez leit.
 mich wundert daz er ie vermeit
 sô lange die vil wunnesamen
 und niht enseite sînen namen
 dem vater und der muoter sîn, 725
 die beide marterlichen pîn
 mit klage umbe in erscheinenden
 und alsô dicke weinden
 durch daz er was von in gevarn.
 daz er wolde niht enbarn 730
 sîn herze und ouch sîn bilde,
 daz was ein wunder wilde
 und ein erbarmekheit vil starc.
 vor sînen friunden er sich barc
 biz im von gote was gegeben 735
 daz er niht langer solde leben.
 Und dô der guote sich versach
 daz im ze sterbenne geschach,
 dô sprach er zuo dem knehte
 der alle stunt ze rehte 740
 solde dà sîn pfleger sîn
 'junkherre, zuo dem dienste mîn
 dich neige unde ein lützel biuc
 sô daz dû mir ein schripgeziuc
 erwerbest daz ze brieve tüge. 745
 hilf mir daz ich geschrîben müge
 ein wênic mîner sache,
 daz ich mich sælic mache

714. O 562. 718. Das jm s. g. vor Im g. I. 719. zu der nie ein w. I.
 721. en fehlt I. 722. nie i. 724. en fehlt i. 726. marterliche i.
 730. ersparn i. 733. ein fehlt i. erbarmhertzikait I. 734. sünden i.
 742. sin I. 743. bog I. 745. der i. 748. Das ich gotsæ-

an lîbe und ouch an sêle gar.
 hie mite wart im schiere dar 750
 gewonnen swaz er solde haben.
 mit endelichen buochstaben
 schreip er alliu sîniu dinc,
 wie der vil kiusche jûngelinc
 durch got von sîner briute lief. 755
 dâ bi sô schreip er an den brief
 daz er als ein bilgerin
 vil swæren und vil strengen pîn
 truoc in dem ellende.
 ouch schreip er vil behende 760
 daz in der tobenden winde sûs
 ze Rôme in sînes vater hûs
 gar über sînen willen treip.
 dannoch sô mâlte er unde schreip
 daz er sibenzehen jâr 765
 beidiu stille und offenbâr
 was unbekennet dâ beliben,
 und daz diu hovediet getriben
 mit im hæte ir ungelimpf.
 der spot diu smâcheit und der schimpf 770
 diu im geboten wâren dar,
 daz was bescheidenlîche gar
 gesetzet an den brief benamen.
 swaz ie geschach dem lobesamen,
 daz leite er unde schreip dar an. 775
 alsô warp der hoveman
 und der vil reine gotes kneht
 dô der grimme tôt sîn reht
 an ime zeigen wolde
 und er verscheiden solde. 780
 Dô diz nâch lobelicher art

lee mache I. 758. v. swærre unt v. strenger p. i. 761. der to-
 benden O 1604: tûgēnde I. 764. machter i: vergl. *Wh. Grimm*
über d. runen 78. 768. getrieben O 698, vertriben I. 769. het-
 ten im O, hettint I. 770. den sp. die sm. unt den sch. i.
 771. was alda I? 772. gar] dâ i. 773. den fehlt I. 774. be-
 schach i. 776. hoffamā I.

geschriben allez schône wart
 von sîner hant der reinen,
 dô wolde got erscheinen
 den liuten allen sînen tôt 785
 und die vil marterlichen nôt
 die der getriuwe truoc mit klage.
 au dem vil hêren balmetage,
 dô man sanc die messe frôn,
 dô wart ein wûnneclicher dôn 790
 ze Rôme gehœret unde vernomen.
 ein stimme was von himel komen
 hôh in daz mûnster obene.
 diu rief dâ wol ze lobene
 'wol her alle zuo mir die 795
 der lip ûf ertrîche hie
 mit jâmer und mit sender klage
 durch mînen willen kumber trage!
 ich wil iuch wider bringen
 mit wunnebernden dîngen.' 800
 Von dirre stimme schalle
 die liute erschrâken alle
 die zuo dem mûnster waren komen:
 wan dô si wart von in vernomen,
 dô verzageten in diu lider. 805
 si vielen ûf ir knie dâ nider
 und sprâchen kyrjelêison
 vil strenger vorhte in tet gedon.
 *
 si bâten alle Jêsum Krist 810
 daz er geruochte erbarmen
 sich über si vil armen
 unt daz er müeste wenden
 mit helferichen henden
 ir schaden unde ir ungemach. 815

783. raine I. 784. 785. O 351. 790. O 86. 791. verhœret i.
 793. ebene I. 794. zelbene I. 800. wunnebârde I. 801. schalle]
 sage I. 806. dâ fehlt O 1795 und i. 808. Vil streng' worte si
 gewan I. 809. fehlt I. 811. geruoche i. 812. sich fehlt i.
 814. O 645.

diu stimme zuo in aber sprach
 in eime lûten schalle
 'gânt ûz und suochent alle
 den menschen hie in dirre frist
 der gotes kneht von himel ist 820
 mit senften und mit reinen siten.
 für alle die von Rôme biten
 sol sîn heilechlicher munt.
 ich wil iu allen machen kunt
 vil gar mit offenbærer sage, 825
 er sol verscheiden ame tage
 an dem durch al die mennescheit
 got die vrône marter leit.'
 Der mære wurdens alle frô.
 si giengen ûz dem münster dô 830
 mit ein ander in die stat.
 des dô gotes stimme bat,
 daz tâten si gemeine.
 den gotes kempfen reine
 suochtens an den stunden, 835
 den si dâ niender funden
 in der schoenen veste wît.
 zuo dem münster aber sît
 giengen si mit grôzer klage.
 reht an dem stillen fritage 840
 kômen si dar in gezoget.
 des wart der hohe himelvoget
 vil tiure von in dô gemant.
 si vielen ûf ir knie zehant
 und bâten algemeine 845
 den werden got vil reine
 daz er in lieze bi der stunt
 werden offenliche kunt
 wâ man den menschen solte

816. aber zuo in *i.* 823. hailig *I.* 824. l. w. úch tûn kund *I.*
 825. v. g. und *i.* offenbar sachē *I.* 826. an dem t. *i.*
 828. vrône *fehlt I.* 832. minne *i.* 833. D. tâtens si g. *I.*
 836. nienan *I.* 841. gezogen *I.* 842. himmel voget *O* 670, hi-
 melbogen *I.* 843. genant *I.* 849. man *fehlt i.*

suochen der dâ wolte 850

verscheiden an dem morgen fruo.

dô sprach diu stimme in aber zuo

in eime süezen dône lût

‘den menschen heilic unde trût

des got dâ wil geruochen 855

den sult ir alle suochen

in Eufemiânes hûs.

sunder vorhte und âne grûs

kêrent dar bî dirre stunt:

sô wirt er iu vil schiere kunt.’ 860

Alsus begunden si dô gân

für den helt Eufemiân,

dem si dô sprâchen alle zuo

‘vil rehte entsliuz uns unde tuo

mit rede kunt die wârheit. 865

war umbe wart uns niht geseit

daz diu vil hôhe sælde was

dâ heime in dînem palas

von der uns hie gesaget ist?’

‘ir herren’ sprach er, ‘wizze Krist, 870

mir ist verborgen diu geschiht,

wande ich weiz dar umbe niht

sô grôz als umbe ein kleinez hâr.’

hie mite kêrte er sich für wâr

ze sîme tiursten knehte. 875

er sprach ‘nû sage mir rehte,

weistû von disen dîngen iht?’

‘nein ich’ sprach er, ‘herre, niht.

mir ist der sache bilde

gar seltsæne und gar wilde.’ 880

Von dannen giengen si dô gar

und kêrten zuo dem hûse dar

dar inne Eufemian dô was.

die keiser beide, als ich ez las,

850. Bülte suchen der er wolte *I.* 851. Von des morgens fr. *i.*

852. in *fehlt i.* 855. Den *I.* 858. und *fehlt i.* 862. eu-

famion *I.* 864. uns *O* 670: *fehlt I.* 868. Wz da haim jn dē

palast *I.* 870. 871 *O* 214. 873. umbe *fehlt i.* 884. Der k. bald *i.*

die rœmisch reht behielden	885
und dô des rîches wielden,	
die giengen sunder schallen	
mit den burgæren allen	
dar si got selber komen liez.	
Arcâdius der eine hiez :	890
der ander hiez Honorje.	
uns saget diu historje,	
ez gienge mit in ouch alsus	
der bâbest Innocenciûs	
und maneger hôber kardenâl.	895
Eufêmiân dô sunder twâl	
mit sînen knechten îlte für	
und hiez nâch edeles herzen kür	
daz hûs vil drâte wieren	
und nâch dem wunsche zieren	900
mit aller hande rîcheit.	
vil manic tepich wart gespreit	
ûf die benke in sîme sal.	
ouch wurden kerzen über al	
dar inne schône enbrennet.	905
*	
des wirtes guoter wille gar.	
und dô diu manicvalde schar	
was in daz hûs gemeine komen,	
dô wart ein stille dâ vernomen	910
und ein swîgen under in.	
der wirt der nam besunder hin	
den knaben biderbe unde frum	
der alle zît Âlexîum	
het in der stæten huote sîn.	915
der mensche sprach dô herre mîn,	
des ich gepflegen hân dâ her,	

885. Romesche *O* 1931, rœmschez *i.* 887. schalle *I.* 888. burgen alle *I.* 893. Es giend *I.* 899. vil drate wieren *O* 2028: mit dâte vieren *I.* 900. vnd nach dem *O*, unt gar nâch *i.* 906 *fehlt I.* 908. manigualtig *I.* 909. was] vff *I.* 912. b. jn *I.* 913. biderben *i.* 914. zît *fehlt I.* 915. In der statt hûte sin *I.* 916. dô] o *i.*

daz ist entriuwen lichte der
 den ir dâ suochen wellent hie.
 vil starkez wunder hân ich ie 920
 bekennet an im unde gesehen.
 ich muoz iu von schulden jehen
 daz er benamen heilec ist,
 wande ich sach in alle frist
 den lip vil marterliche queln. 925
 ich wil iu grôzen kumber zeln
 dar in der sælige ist getreten.
 wachen vasten unde beten,
 siufzen trûren weinen,
 daz spürte ich an dem reinen 930
 alle zît und allen tac.
 sîn leit ich niht ergründen mac
 alhie mit endelicher sage,
 wan ie an deme sunnentage
 enpfienec er (waz sol des nû mër?) 935
 den gotes frônlichamen hêr.
 Eufēmîân der mære
 wart sêre fröudehære,
 wan er mit willen si vernam.
 für daz bette er schiere kam 940
 ûf deme Alexius dô lac.
 für wâr ich iu daz sagen mac
 daz er in tôten ligen vant
 und einen brief in sîner hant
 den er geschriben hæte vor. 945
 daz tuoch huop er dô ûf enbor
 dâ mite er lac bedecket.
 und als er was enblecket,
 dô schein sîn bilde, wizzent daz,
 durchliuhtic alse ein glasevaz 950
 in dem dâ ist ein licht enzunt.

921. bekant an i. u. hân g. i. 929. S. tr. vnd w. I. 930. vil
 rainē I. 931. alle tag i. 935. waz sol daz m. i. 943. tod
 da I. 946. dô fehlt i. 948. Vñ alz er was O 312, Do er w.
 (was oder wart?) I. 949. bilde O: lip I. 950. glas i.
 951. in dem ein l. ist enzunt i.

er lac bî dirre selben stunt
 blüejende als ein rôse frisch.
 sîn varwe diu was engelisch
 und ouch daz antlitze sîn : 955
 diu beide gâben liechten schîn.

Der vater sîn, Eufêmîân,
 wolt im den brief genomen hân
 den er hæte in sîner pfliht :
 seht, dô moht er in aber niht 960
 gebrechen ûz der hende sîn.
 dâ von sô leit er grôzen pîn
 unde erschrac vil sêre.

mit sneller umbekêre
 gienc er ze sînen gesten wider. 965
 zuo den allen sprach er sider
 'got wil unser ruochen.

den menschen den wir suochen
 den wæne ich haben wir funden.
 er hât bî disen stunden 970
 genomen hie sîn ende.

ein brief in sîner hende
 lit besigelt unde behaft
 den ich mit aller mîner kraft
 nie mohte drûz gewinnen. 975
 gescheiden ist von hinnen
 sîn sælic sêle reine.'

dô giengen si gemeine
 mit ein ander dâ zehant
 für daz bette dâ man vant 980
 Âlexîum den klâren.

die zwêne die dô wâren
 gebietære in der schoenen stift,
 die wolden brief und die geschrift
 vernemen unde schouwen dô. 985

si sprâchen wider in alsô.

952. der] dirre i. 954. engelschlich I. 955. antlit sine I.
 960. aber fehlt i. 962. grôze i. 969. Ich wen ach den hab
 fûden I. 974. mîner i: minen O 109. 975. druz. O, fehlt i.
 983. gestift I. 984. die fehlt i.

'swie wir sündære sîn genant,
 sô müezen wir doch disiu lant
 berihten und des rîches trôn.
 ouch ist der werde bâbest frôn 990
 ein vater aller kristenheit:
 got hât gewalt an in geleit
 über man und über wip.
 dà von sô lâz in, sælic lîp,
 enpfâhen von der hende dîn 995
 den rodel und daz brievelein
 daz behaft dar inne lît.
 verhenge des bî dirre zît,
 daz er gehœre unde gelese
 waz dar an geschriben wese.' 1000
 Nû dô diu rede was geschehen,
 dô wart ein zeichen dà gesehen
 daz got in allen tet bekant
 den brief den er het in der hant
 und der lac dar inne dô. 1005
 mit disen dingen unde alsô
 gienc der bâbest lobesam
 dêmüeteclichen unde nam
 ûz der hende sîn die schrift.
 dar nâch dem schrîber von der stift 1010
 winkte er zuo im unde rief.
 er hiez in lesen dô den brief.
 der schrîber hiez Âêtiô.
 von dem ein swigen schiere dô
 erbeten in dem hûse was. 1015
 den brief tet er ûf unde las
 *
 und als Eufêmîan diu wort
 des brieves hæte erhœret,
 dô wart vil gar zerstœret 1020

987. swie] sît *i.* sint *g. i.* 997 *nach* 998 *i.* 998. daz *i.* dūre *z. I.*
 999. er *fehlt I.* 1001. Nun do disiu (?) *r. w. beschehen I.*
 1005. Da lag jñe do *I.* 1009. geschrift *i.* 1010. dem] der *I.*
 1011. zuo im *fehlt i.* 1012. dô *fehlt i.* 1013. Echeo *I.*
 1015. ersehen *i.* 1017 *fehlt i.*

diu fröude sines herzen.
 vil jæmerlichen smerzen
 begunde er üeben alzehant.
 von strengen nœten im geswant
 daz er in unmaht nider viel. 1025
 vil manic heizer trahen wiel
 ûz sînen ougen liuterlich.
 und als er ûf gerihte sich,
 dô brach ûz sînem hære
 der edele und der klære 1030
 vil manegen ungefüegen loc.
 er zarte mantel unde roc.
 ûz sîme schœnen barte
 daz hâr ûz sîner swarte
 rouft er sich selben unde zôch. 1035
 der herre von gebûrte hôch
 lûte und marterliche rief.
 sîn herze in houbetsorgen tief
 und in jâmer vaste wiel.
 ûf den tôten lîp er viel 1040
 erbarmeclichen unde sprach
 'wê mir hiute und immer ach
 daz ich zer werlte wart geborn!
 herre und sun vil ûz erkorn,
 den ich hie tôten funden hân, 1045
 war umbe hâstû mir getân
 sô bitterlichez trûren schîn?
 durch waz hâstû die sêle mîn
 betrüebet hin ze grunde,
 daz dû sô lange stunde 1050
 in mînem hûse wære,
 und doch niht offenbære,
 daz ich gesach neheine stunt

1024. worten *i.* 1025. *O* 1846. 1026. v. m. herter tr. w. *O*
 1654, V. mēgē haissen tr. er da lie *I.* 1029. dô] er *i.*
 1032. Es *I.* 1034. mit der swarte(n?) *i.* 1035. selber *i.*
 1037. rûft *I.* 1039. sô vaste in j. wiel *i.* 1041. Erbarmhertze-
 klich *I.* 1044. vil *fehlt i.* 1045. tât *i.* 1047. bitterliche *i.*
 1052. Vnd da mit offenbare *I.* 1053. nohmē stud *I.*

daz dû mir lebendic wûrdest kunt
 unde ich hoeren solde dich? 1055
 nû hât ez sus gefüezet sich
 daz dû mir kein antwûrte gîst
 und dû vor mînen ougen list
 tût ûf einem bette swach.
 von schulden muoz ich sprechen ach 1060
 und wâfen schrien immer.

*
 enbunden werden noch erlöst.
 wâ vinde ich armer solhen trôst
 der noch mîn herze ergeile 1065
 und al die wunden heile
 die durch dînen willen sint
 mir worden, herzeliebez kint?'

Die klage treip Eufêmîân:
 vil trûrens wart von im getân. 1070
 sîn muoter, daz vil reine wîp,
 versancte ir herze und ouch ir lîp
 dô si vernam diu mære
 daz ir sun dâ wære
 tût funden zuo dem mâle. 1075
 dô wart ûf grimme quâle
 gereizet ir vil kiuscher muot.
 si tete alsam der lewe tuot
 der sînen schaden richet
 und daz riet zerbrichet 1080
 dar in er ist gevallen.
 vor den liuten allen
 begunde si zerschrenzen
 ir kleider unde engenzen
 ir wât unmâzen tiure. 1085
 diu sûeze und diu gehiure

1054. werdest *I.* 1056. Nun hett es sich g. sich *I.* 1060. ich
 jehen ach *i.* 1062 *fehlt I.*: ich mac von leide nimmer *i.*
 1065. der noch *O* 340: dar nâch *i.* 1068. herze *fehlt I.*
 1070. V. truren w. v. jn g. *I.* 1072. Versank jr hertze sit *I.*
 1077. in *I.* 1078 — 1081 *O diatr.* 11. *gl.* 1304. 1080. riet *O*:
 netz *I.* 1083. 1084. *O* 314. 1084. vnd engenzen *O*, als jr ge-
 zem *I.* 1085. ir wart *i.*

leite ûf klage ir hôhen flîz.
 enpflohten von ir henden wîz
 wart ir sîdenvarwez hâr.
 ir ougen lûter unde klâr 1090
 warf si ze himele unde schrei
 sô lûte daz ir möhte enzwei
 daz herze sîn zerspaltten.
 die jungen und die alten
 brâhte si ze leide. 1095
 ir blanken hende beide
 diu schœne marterlîche want.
 und dôs ir liebes niht envant
 vor der manicvalden schar,
 daz si niht komen mohte dar 1100
 zuo des tôten bette wol,
 dô rief diu frouwe leides vol
 und sprach mit jâmers schalle
 'stânt ûf, ir herren alle,
 durch got von himelriche, 1105
 und helfent mir geliche
 daz ich mîn leit geschouwe
 und ich vil armiu frouwe
 mîn liebez kint gesehen müge.
 den sun der minneclîchen süge 1110
 mîn werzel und mîn brüstelin,
 den lânt mir hiute werden schîn
 durch daz ich in weine.'
 sus trâten si gemeine
 ûf hôher unde liezen dar 1115
 die frouwen aller wünne bar
 kêren zuo dem bette.
 des wart von ir enwette
 geweinet unde enwiderstrît.

1088. enpflohten *O* 313: Entflochē *I*. 1089. sîdenvarwez *i*: sîdin
 valwes *O*. 1096. blacken *I*. 1097. Da *I*. 1098. libes n. em-
 pfant *i*. 1099. manig valter *I*. 1101. wol] alsô, *im reime auf*
 vol, *i*. 1102. Do ruft si *I*. dô rief diu fr. leides vol *i*.
 1104. Nun stönd *I*. 1110. svige *O* 1596, sugin *I*. 1111. werzel]
 herze *i*. nach 1112 Wô ich bin die mûter sîn *I*. 1114. tätend *I*.
 1115. höhe *I*. 1116. Dis frowlîn *I*.

si viel dâ nider an dirre zît 1120
 ûf den tûten jûngeline.
 si stalte jâmerlîchiu dinc
 und angestbârez ungemach.
 si rief erbarmeclichen 'ach,
 sun lieber unde ouch wol getân, 1125
 durch got wie hâstû sô gelân
 mich armen und den vater dîn
 daz dû sô lange bist gesin
 bî uns ze wonunge alsô hie
 und daz dû doch dar under nie 1130
 dich woltest uns erscheinen?
 dû sæhe uns nâch dir weinen
 und uns ze herzen dicke slâhen.
 wir guzzen manegen heizen trahen
 durch dîne leiden hinevart 1135
 alsô daz uns nie von dir wart
 geseit daz dû wær unser kint.
 wir wâren leider alsô blint
 daz uns betrouc dîn bilde
 und uns dîn leben wilde 1140
 wart in allen stunden.
 wir beide niht enkunden
 bedenken dich ze rehte.
 dâ von dir unser knehte
 buten manege smâcheit, 1145
 daz dô gedultecliche leit
 dîn herze und dîn heilic lîp.
 ach unde owê mir, armez wîp,
 daz ich gewan mîn leben ie!
 durch waz hâstû geworben hie 1150
 daz dû mir und dem vater dîn

1120. si v. dâ in der andern zît i. 1122. stalte i: tet O 46.
 1123. und angestberes O, in angestlichem i. 1124. Si rûft er.
 bärmdhertzlich ach I. 1126. sô fehlt i. 1129. ze wainê vñ
 also hie I. 1132. saht i. 1133. uns fehlt i. 1134. W. gus-
 sent m. herzentrahen O 665, wir verguzzen m. trahen i. 1135. lei-
 de Oi. 1137. wær fehlt I. 1138. also wild I. 1140. und]
 daz i. 1142. enbûden I. 1143. dich] nit I. 1145. Luttêt I.
 1146. dô] du I. 1151. mich unt den i.

nie enlieze werden schîn
 dich unde dîn geverte?
 wie mohtestû sô herte
 gesîn, vil herzeliebez kint? 1155
 diu mære gar unsägelich sint
 daz dû dich vor uns hæle
 und in der nœte quæle
 daz dich dîn eigen hoveschar
 hie bræhte zuo ir spotte gar. 1160
 Mit disen Worten unde alsus

*
 ir sun getriuweclîche gar.
 dar unde dar und aber dar
 viel ûf in daz erwelte wîp. 1165
 dick über sînen tôten lîp
 ir arme si dô spreite.
 si nam in unde leite
 an ir vil reinen brüstelîn.
 sîn bilde in engelvarwen schîn 1170
 verkêret und verwandelt
 daz wart von ir gehandelt
 suoze und minneclîche.
 diu sûeze tugentrîche
 dar ûf vil manegen trahen gôz 1175
 der ûz ir liechten ougen flôz
 vil minneclîchen hin ze tal.
 diu guote kuste in über al
 an sîniu wûnneclîchen lîder.
 si rief ach aber schiere wider 1180
 zuo den liuten unde sprach
 'ir alle die mîn ungemach
 hie sehent unde wîzzen,
 ir sint gar gevlîzzen

1152. Nie lieste *I.* 1153. Vnd v'schwigen hâst d. g. *I.*
 1156. gar uns.] ungesegeliche *i.* 1157. vor uns beiden næmtu hæ-
 le *i.* nâmbdhäbe *I.* 1159. hoveschar *O* 698: hoffesthar *I.*
 1162 *fehlt I.*: etwa gap si vil manegen sûezen kus 1170. engel-
 varwe *i.* 1172. des wart er geh. *i.* 1173. suoze] sô *i.*
 1175. Dar vss *I.* 1176. ir *fehlt i.* 1178. kuste] die lust *I.*
 1180. rîeft *I.*

KONRADS ALEXIUS.

	571
daz ir mit mir weinent	1185
und grimme klage erscheint	
durch daz erbermecliche dinc	
daz dirre tôte jüngelinc	
bî mir sibenzehen jâr	
ist gewesen offenbâr	1190
unde er mich dar under nie	
geschouwen unde vernemen lie	
daz er was mîn einic kint.	
nû merket alle die hie sint	
diz wunderliche wunder,	1195
den ich hân besunder	
gesöuget an der brüste mîn,	
daz der sô herte mohte sîn	
daz er sich ie vor uns gehal.	
von sinen knechten über al	1200
hât er geliten smæhen schimpf,	
wan si begiengen ungelimpf	
an im; deist âne lougen.	
si spiuwen under ougen	
dem ûz erwelten allen tac.	1205
dar zuo sô wart er an den nac	
von ir henden hie geslagen.	
begozzen ist er unde getwagen	
vil harte dicke mit dem labe	
daz vil maneger schüzzele abe	1210
wart gespuolt hie ime hûs.	
nû seht, die marter und den grûs	
leit er gedulteclichen ie	
sô daz er uns geseite nie	
siner dinge ein wörtelîn.	1215
wer ist der nû den ougen mîn	
wazzer mit genûhte gebe	

1191. da wider *I.* 1192. Geschwign *I.* 1193. was *fehlt I.*
 1196. den] Das *I.* 1199. von *i:* vor *O* 500. gehal *O:* verhal *i.*
 1204. Si spipten im *I.* 1206. sô *fehlt i.* vō den nake *I.*
 1208. getwahan *O* 858, bezwagn *I.* 1209. mit dem l. *O:* mit ir l. *i.*
 1211. w. gespietlet hie ûz *i.* 1212. dē marter *I.* 1213. daz
 l. *i.* 1215. Sinē dingn *I.* 1217. gebū *I.*

durch daz ich al die wîle ich lebe
 tac unde naht beweine
 daz jâmer niht ze kleine 1220
 daz an mir geschehen ist.
 ich armiu sol ze keiner frist
 vinden alsô rîchen trôst
 daz von sorgen werde erlöst
 mîn jâmerhaftez herze. 1225
 leit unde grimmer smerze
 muoz dar inne sîn begraben
 die wîle ich mac daz leben haben.
 Dô disiu klage ein ende nam,
 diu schœne bescheidenliche kam 1230
 diu sîn gemahel was gesîn.
 diu liez ouch marterlichen pîn
 an ir lîbe schouwen.
 man sach die werden frouwen
 mit rîchem purper wol bekleit. 1235
 ir inneclîchez herzeleit
 wart sô klagebære
 und alsô grôz ir swære,
 ez möhte got erbarmen.
 si sprach 'owê mir armen 1240
 daz ich gewan mîn leben ie!
 wie bîn ich hiute komen hie
 ze leides ungewinne,
 sît daz ich mîne minne
 und mînen friedel hân verlorn! 1245
 den ich ze friunde hæte erkorn,
 der ist mir leider hie benomen.
 ich bîn getreten unde komen
 vil gar in leides orden.
 ein witewe bîn ich worden 1250
 und âne trôst verlâzen.

1218. lebē *I.* 1221. gesehen *i.* 1224. wart *I.* 1225. jamer-
 hafte *I.* 1226. grimē smertzū *I.* 1230. Bescheidenlich do die
 sch. k. *I.* 1232. marterliche *i.* 1236. ir minneclîchez *i.*
 1238. ir *fehlt i.* 1242—1245. *O* 1242. 1245. friedel *i.*: vrie-
 sel *O.* 1250. ich *fehlt I.*

kein riuwe sol sich mâzen
ze mîner grimmen herzen klage.
von schulden muoz ich mîne tage
erhermeclîche weinen, 1255

wande ich hân deheinen
den ich von herzen gerne sehe
und dem ich hôhes muotes jehe
sît daz ich hân mîn liep verlorn
daz ich ze fröuden ûz erkorn 1260
hæte mir aleine
für alliu dinc gemeine.

Dô die vil klagebæren
man sach in disen swæren,
dô wurden liehtiu ougen rôt. 1265
si weinden alle ir drier nôt
ûz inneclîchem herzen.

ir jâmer unde ir smerzen
klageten beide junc unt alt.
von rîcher koste manecvalt 1270
ein bâre schiere wart bereit,

dar ûf der tôte wart geleit
und mitten in die stat getragen.
man hiez den liuten allen sagen
daz man den menschen funden 1275
hete bî disen stunden

der alsô heilic wære.
durch daz vil süeze mære
wart vil manec herze frô.
die burger giengen alle dô 1280
der bâre engegen âne spot.

dô liez der ûz erwelte got
vil manic zeichen werden schîn:
wan swer an den geliden sîn
was verseret oder wunt, 1285
der wart vil schiere dô gesunt

1252. sich] ich *i.* 1254. mîn klag *I.* 1255. Erbarmhertzeklich *I.*
1260. fröd hett *I.* 1262. f. alle die g. *i.* 1263. Do der vil
klag̃bare *I.* 1264. Vnd mā sach die sware *I.* 1266. Bew. *I?*
al *i.* 1267. mĩneklichē *I.* 1271. wz *I.* 1273. und enmitten *i.*

swenne er zuo der bære kam.
vil manic ûzsetzige nam

*

und swer besezzen unde behaft 1290

mit dem bösen geiste was,
der wart gelœset unde genas
in des vil werden gotes namen.
ouch wurden blinden unde lamen
ir swæren sühte dô genert. 1295

den siechen allen wart beschert
daz si gesuntheit fuorten,
wan swenne si geruorten
die bære, dô wart in gegeben
kraft unde ein frœlichez leben. 1300

Und dô die keiser sâhen
daz alsô vil geschâhen
zeichen vor ir ougen dâ,
die bære si dô truogen sâ
selbe zuo dem münster hin 1305

durch daz heil und den gewin
daz si müesten werden
gesæleget ûf der erden
von des herren sælekeit
der ûf die bære wart geleit 1310

und alsô manic wunder tete.
ouch wart der bâbest an der stete
mit in die bære dannen tragen.
waz ist hie von mê ze sagen?
dô wart ein grôz unmâze 1315

geworfen an die strâze
von silber und von golde rôt
durch daz den liuten würde nôt
hin zuo dem schatze bî der zît
sô daz si niht enwiderstrît 1320

1288. vssetzig *I.* man *i.* 1289 fehlt *I.*: etwa reinekeit von sîner
kraft. 1295. süchten *I.* 1303. dâ fehlt *I.* 1304. Die bære
die si do trûgend *I.* 1305. selber *i.* 1308. gesigelet *i.*
1310. Dar vff *I.* 1313. 1314. sind nicht rein. 1313. mit in die bære
tragen *i.* 1320. niht] mit *I.*

drungen zuo der bære.
 der heilige und der kläre
 wart in daz münster sicher bräht,
 dâ sîn schiere wart gedäht
 mit gotelichem ruome. 1325
 man sprach im in dem tuome
 lop unde prîs vil maneger slaht.
 im wart gewachet manege naht
 ê diu woche ein ende nam.
 und dô es in diu state kam, 1330
 dô wart mit hôhem flîze starc
 bereit ein wünneclicher sarc
 von golde und von gesteine.
 dar in sô wart der reine
 mit hôhen êren dô geleit. 1335
 man bôt im ganze werdekeit
 nâch der wâren schrifte sage.
 und dô sibenzehen tage
 vertreip der herbestmânet wol,
 dô wart daz grap sô rehte vol 1340
 von süezem ruche, drinne er lac,
 als aller guoten wûrze smac
 drünge von dem sarke.
 des lobete man dô starke
 den werden got besunder 1345
 der alsô manec wunder
 tete an sînem knechte schîn
 unde ouch durch den willen sîn
 vil manic zeichen hie begie.
 swer in ûf erden êret hie 1350
 und im gestât mit êren bî,
 der mac von sünden werden frî.
 Dâ von sô râte ich gerne deme

1321. Trügent *I.* 1326. Vnd sprach in d. t. *I.* 1328. vil manec
 n. *i.* 1330. unde ez in die st. k. *i.* 1332. minneclicher *i.*
 1335. dô] dar ja *I.* 1337. geschrift *I.* 1341. ruche dar in *i.*
 1342. wurtzen *I.* 1343. Trugend *I.* 1344. dô] sô *i.*
 1346. der] daz *i.* 1347. Tett aîn sînē knechtū sch. *I.* 1349. sie
 beging *I.* 1350. War jū vff erde *I.* 1353. deme *fehlt I.*
 Z. F. D. A. III. 37

der sîn leben hie verneme
und von im diz getihtē lese 1355
daz er im undertænic wese
mit ganzen triuwen immer.
sîn trôst verlât in nimmer

*

von Basel zwêne burger hânt 1360
sô rehte liebe mir getân
daz ich von latine hân
diz mære in tiusch gerihtet.

ez wart durch si getihtet
gerne und willeclîche doch 1365
daz man dâ bî gedenke ir noch
und mîn vil tumben mannes.

von Bermeswîl Jôhannes
unde ouch Heinrich Îsenlîn,
die zwêne vlizic sint gesîn 1370
daz ich ez hân z'ende brâht.

des werde ir noch von den gedâht
die diz getihtē hœren lesen.
si mûezen beide sælic wesen
an libe und an der sêle dort. 1375

got gebe in stæter vröiden hort
und êweclicher wunnen rât.
und daz ich armer Kuonrât
von Wirzeburc gelebe alsô 1380

daz mir diu sêle werde vrô,
des helfe mir der sûeze Krist
der got bî sîme vater ist
bî sîner zeswen sîten
ân ende zallen zîten.

1358. verlant *I.* 1359 *fehlt I.* 1360—1384. *O diatr. 14: fehlen I.* 1362 ich es von *I. hant O.* 1363. in *tvsche O.*
1364. war *O.* 1368. Von Bermeswile Johannes *O.* 1371. zu
ende *O.* 1372. werden *O.* 1379. Wrzeburc *O.* 1384. zuo
allen *O.*